

浮山縣志卷之二十五

僊釋

浮山龍角降雷風穴著異後宜乎僊釋接跡矣而志乘殊尠足徵僊釋之不常覲而里閭渾樸不事幻誕其儒風尤可尚也志僊釋

唐

楊羅漢

父任青州刺史母高好佛羅漢年十二至南嶽為僧號四載了悟本源神通廣大飛騰往來長安二年春司空山有大虎十餘傷人盡降伏之河東路巡撫使李景與副使王永曙平陽大守錢光演同

浮山縣志

卷之二十五

僊釋

遊玉兔觀遙見風穴山東白光貫霄命探之道遇樵叟陳文樵子李八兒曰有一奇僧引十餘大虎頂放白光召文等曰汝歸白李尚書土太傅錢太守說羅漢願見使還報二人馳拜羅漢自述顛末復云聖道周圓歸真時至語畢端然奄逝因改觀為寺祀之後唐清泰乙未歲正月十八日獵人郭遇郭欽王思蘊徐守元見玉兔入孔穴以鑷掘之有庵門掩閉推視全身如生周顯德間學究王福新記

後唐

洪崖子

神山任張里人名居敬即張果年四十辭家入山訪求至道遇山神引見景成子得姑射洞為養真之異境居焉能變化得藤葛橘咄木雪諸精為侍衛出入神異明宗知之詔對稱旨賜爵祿不受歸積行累功進德增善諸靈懾伏道滿口假葬衣冠脫然而去中熙寧九年范諡撰碑記

南宋

蓋志勤

字勉之號集虛真人世為簡城農家幼即好道父母歿捐棄生產禮冲和悟道真人為師苦行不輟心地通明賜紫衣後居浮山之大衛村創修真觀里人重其德咸加敬禮淳祐庚戌化去

元

孫志孚

號元素河東萬泉人幼穎悟遭世變故翻然入道往師寧神子張君子代之神岡觀後甯神子遷治王屋山之靈都志孚遂居縣之清都萬壽官道行為時推重詳教諭王庭事跡碑

圓印

號月潭俗姓陳世居張堡出家大義寺禮意公為師聞澮溪方公開選佛場演一乘法乃往叅叩探曠研幽直登堂奧方公隨以戒法付囑後歸大義主法席緇素欽依至正乙巳僧文顯為撰道行碑惠持

浮山縣志

卷之二十五

僊釋

書丹圓檀立石

明

普泉

俗姓梁氏程村人志慕空門師玉兔寺主巖公披剃受具後雲遊叅叩契悟宗旨受戒法於峒山端公洪武庚午僧文顯為撰道行碑宏源立石

國朝

釋德祿

號妙嚴張堡村大義寺僧也工詩文善書畫性情風雅無一毫俗僧烟火氣乾隆間邑紳張體義體乾季昆輩皆與時相往還結文字禪

釋行忽

號道豐俗姓陳氏居城內羅漢寺所交接悉一時知名上揚州羅兩峯游晉時嘗主之為作畫

甚夥張水屋賈仲良楊清夫輩皆與結方外交談詩論畫無虛日擅長書法每事臨池人以爲今之智永懷素云

釋福泰 號智乘俗姓吳氏道豐之徒也居羅漢寺能詩工繪事尤精於賞鑑所藏書畫多名人真蹟一

時縉紳先生騷人韻士皆樂與之游

柏天學 道號來聖邑之南西河村人性靜謐素慕黃老之術修真於西河橋之雲峯洞積累善緣時僑

適傾裂獨力募化八百餘金重修之後以地當孔道未免塵囂雲游四方參叩上乘得邑東佛嶺山與翼城縣之佛爺山石佛寺遂居焉誦經說法洞悟元關往來二山曾不踰時俗傳以爲出入跨虎比之楊羅漢云乾隆五十一年建浮圖於石佛寺之右側鑿穴其下置壽缸自言於是年七月七日當歸真至期端

浮山縣志 卷之二十五

僊釋

坐而逝悉如所言 年八十有五歲